



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

**Klub vijećnika Stranke demokratske akcije
u Gradskom vijeću Zavidovići**

**GRADSKO VIJEĆE
- n/r predsjedavajuće GV-a -
ZAVIDOVIĆI**

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBROJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	14-11-2025		
Org. jed.	Kl. odb.	Red. br.	Str. o. broja
01	04	2026/25	

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosimo Inicijativu za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate.

O b r a z l o ž e n j e

Odlukom o komunalnim taksama Općine Zavidovići („Službeni glasnik općine Zavidovići“, broj: 9/17, 4/18 i 9/18), određeno je da se napodručju Općine, tj. Grada Zavidovići, propisuju i naplaćuju četiri vrste komunalne takse, i to za:

1. Svaku istaknutu firmu i za korištenje uređaja za pružanje usluga mobilne telefonije,
2. Držanje žive muzike u ugostiteljskim objektima,
3. Za obavljanje djelatnosti kockanja i kladenja,
4. Korištenje uređaja za pružanje usluga mobilne telefonije.

U poređenju sa odlukama kojima općine i gradovi u okruženju regulišu ovu materiju, ali i u ranije važećom Odlukom o komunalnim taksama Općine Zavidovići („Službeni glasnik općine Zavidovići“, broj: 1/15 i 1/17), zaključuje se da je moguće propisati znatno više osnova za naplatu komunalne takse, pa tako npr. i za:

- korištenje aparata za posebne igre na sreću,
- poslovni prostor u kojem se priređuju klasične igre na sreću i posebne igre na sreću,
- priređivanje zabavnih igara,
- korištenje elektroenergetskih objekata kojima se vrši prenos električne energije,
- korištenje podzemnih i nadzemnih instalacija, korištenje lokalnih cesta i javnih površina itd.

Riječ je o prihodima od taksi koje druge jedinice lokalne samouprave, a naš Grad se istih lahko odrekao godinama unazad.

Ako je i bilo određenih manjkavosti u staroj Odluci o komunalnim taksama i pravne nesigurnosti, tj. bojazni od sudskih sporova, pa su možda iz tog razloga važećom Odlukom usko definisani osnovi za naplatu komunalne takse, nedavnom presudom Vrhovnog suda Federacije Bosne i Hercegovine u korist Grada Bihaća, u sporu vezanom za Odluke o komunalnim taksama Grada Bihaća, pokazane su određene smjernice u kojem pravcu, kao jedinica lokalne samouprave, možemo djelovati po pitanju definisanja komunalnih taksi.

Stoga predlažemo, da se pristupi izmjeni postojeće ili izradi nove Odluke o komunalnim taksama (u zavisnosti od obima izmjena u konačnici), po uzoru na spomenutu

Odluku Grada Bihaća, ali i po uzoru na druge jedinice lokalne samouprave u okruženju koje slijede taj primjer i pokrenule su postupak uvođenja takse za posebne igre na sreću i zabavne igre, po zonama naplate.

Predlažemo uvođenje nove tarife koja tretira poslovni prostor u kojem se priređuju klasične igre na sreću i posebne igre na sreću. Odluka treba da se odnosi na sve priređivače igara na sreću, uključujući i slot aparate, klasične i elektronske igre na sreću, te poslovne prostore u kojima si isti izloženi za upotrebu, tj. u kojima se njima posluje.

Predlažemo da se Odlukom o komunalnim taksama dodatno uredi:

1. Uvođenje obaveze registracije i označavanja aparata koji se koriste za navedene svrhe na području Grada Zavidovići;

2. Uspostava diferencirane naknade, koja bi se temeljila na:

- lokaciji objekta (uvođenje zona);
- vrsti uređaja (zabavne igre bez dobitka ili posebne igre na sreću s mogućnošću dobitka);
- broju instaliranih uređaja po objektu.

3. Pojačanu inspekcijsku kontrolu kako bi se obezbijedilo da se navedeni aparati koriste isključivo u skladu sa zakonima i propisima, te izvršavale sve obaveze prema Gradu Zavidovići.

Uvođenjem ovakvih mjera, omogućila bi se veća kontrola nad širenjem djelatnosti koje imaju negativan društveni uticaj, zaštita javnog interesa, povećanje budžetskih prihoda i usmjeravanje istih u društveno korisne sadržaje i aktivnosti.

Zavidovići, Septembar 2025. godine

PREDSJEDNIK KLUBA VIJEĆNIKA

Hasib Huskić



Broj: 02-04-2145/25-AP-7

Datum: 06.11.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Amira Tursića za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate, dostavlja se


U prilogu akta dostavljam vam stav po inicijativi vijećnika Amira Tursića podnesenu za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila: 
(Fatima Merdanović)

Akt pregledao: 
(Nermin Čahtarević)



GRADONAČELNICA

mr. iur. Erna Merdija Smailhodžić



Broj: 02-04-2145/25-AP-6
Datum: 06.11.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Amira Tursića za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate dostavljam:

PREDMET: Stav po inicijativi vijećnika Amira Tursića za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate, dostavlja se

Inicijativu vijećnika Amira Tursića za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate treba prihvatiti.

Važećom Odlukom o komunalnim taksama Općine Zavidovići („Službeni glasnik Općine Zavidovići“, broj: 9/17, 4/18 i 9/18) u članu 1. određeni su osnovi za plaćanje takse:

„Na području općine Zavidovići propisuju se i naplaćuju komunalne takse za:

1. Svaku istaknutu firmu,
2. Držanje žive muzike u ugostiteljskim objektima,
3. Držanje sredstava za priređivanje zabavnih igara (bilijar, automati, karte za igru, videoigre, fliperi, aparati za posebne igre na sreću i slično),
4. Korištenje uređaja za pružanje usluga mobilne telefonije.“

U članu 14. navedene Odluke određeno je:

„ Za obavljanje djelatnosti kockanja i kladenja plaća se taksa u iznosu od 200,00 KM godišnje po uplatnom mjestu“.

Ustavni sud Federacije BiH je donio Mišljenje, broj: U-6/25 od 09.04.2025. godine („Službene novine FBiH“, broj: 33/25), u kojem je utvrđeno da obaveza plaćanja komunalne takse / naknade na istaknutu firmu nije u skladu sa Ustavom Federacije BiH.

S tim u vezi Odluku o komunalnim taksama Grada Zavidovići u pogledu plaćanja takse na istaknutu firmu potrebno je uskladiti sa naprijed navednim mišljenjem.

Prilikom usklađivanja, odnosno kreiranja Odluke o izmjenama i dopunama Odluke o komunalnim taksama Grada Zavidovići ili eventualno prilikom kreiranja nove Odluke o

komunalnim taksama Grada Zavidovići, bit će precizirani konkretni osnovi, koji se odnose na plaćanje komunalne takse, a shodno podnesenoj inicijativi.

Finansijski efekti, koji bi provođenjem inicijative mogli nastati, ogledaju se u povećanju prihoda Budžeta Grada Zavidovići, a što će se preciznije moći definisati nakon utvrđivanja osnova plaćanja komunalne takse.

S poštovanjem

Dostavljeno:

1. Naslovu,
2. U spis.

Akt pripremila:

(Amira Šibonjić)

Akt pregledao:

(Almir Mustafić)

Akt pregledala:

(Džerardina Miličević)

Akt pregledao:

(Nermin Cahtarević)



GRADONAČELNICA

mr. iur. Erna Merdija Smailhodžić